

Kanyioo pee ishoori Ntoyie



Ejo: Maika soit

Eigero: Miton soit

Nanetya Foundation (NaNeFo)

Stories in Mother tongue

Maa 1: Kanyioo pee ishori Ntoyie

Told by: Maika Soit

Written by: Miton Soit

Final editing: Nabo Kishu

Drawing: Piki Dayan

Design layout and printing : advance litho...

Netii apa olameyu sapuk enkop. Neeku
kemuta nkishu anaake.



Ore nabo olong,
neyku emotonyi
alotu enapita nkujit
naanyori tengutuk.

Ning'or ake ormurrani
Tuali Oleshani, nejo:
"Eton apake etii
enkop natii empilili"



Nedumunye aapuo eleenore. Nejo: "Maape nepuo aatum olari".



Nelotu ormurrani nidurie
nkishu enyenak pookin o
ne nkanashe.

Nepuo aikar eng'ang.





Netoni apa ake
ometoisho inkishu.

Neisho enkiteng' nabo
Oleshani neiu enkashe
sidai oleng':

Naa keiro ena ashe.


Naa keisho ake Oleshani
tenelo shoo, neikenoo ena
ashe tolale liaji. Neturoki
enkanashe enkumoto
tiatua aji, neikenoo
tendapdapo sapuk.



Nebik mbaka nabo olong' neponu Ilmurran ena ang' dama.
Neitu etum Oltung'ani ata obo.



Nigil ake oponu teng'olong e-are.
Nejo mairoro kake etu ening entito.



Netonie olmurrani obo te ndapdapo i opising'are enkumoto
natii entito.

Neud ena tito toltidu.

Nedumunye oladuo murrani,
nedumu enaduo dapdapo i.

Nedol entito etii atua.

Enkumoto.

Neilepu entito.

Nikilikwanishore, neliki
pokitoki.


Netoni airo omemutu,
nepuo ilmurran ashuko.



Ore teng'olong e-are neponu ilmurran, netum entito
aiteder o nenyorru entito olmurran obo
tekulo neaku meitudutie
ninye olalashe.

Nejokini: "Kaji kingo pee kiar
Oleshani, pee kia oyie, onkishu?"

Nejoki entito: "Eyautu esayiet,
napikaki kule, nairajie
teng'utuk olale"



Ore teipa, nening'u enkashe ng'otonye, nekwet
anang'are. Nejoki enkashe: "Oleshani lai, Kang'as
ang'obu ena kaaliki ena?" Nejoki Oleshani: "Tang'asa
tong'obu" Neng'obu.



Nejoki: "Milo taake aok kule, amu etipikaki esayiet.

Shomo tipika eng'utuk
olale ore paalotu naro
aibukoo, peeji enkashe
naibuk oyie."



Ore peyie ekenyu neponu ilmurran. Nejoki entito:
"Ketooko?" Nejoki: "Eitu" "Paa kaji taata kias?"



Nejoki entito: "Eyau embae naatii esayiet matipik
kishomi".

Ore peeku teipa, nepuonu inkishu ang', nekwet enkashe
anang'are ng'otonye. Nejoki enkashe: "Oleshani lai,
Kang'as ang'obu ena kaaliki ena?"



Nejoki: "Tang'asa tong'obu". Neidip.

Nejoki: "Etipikaki dou embae kishomi naatii esayiet,
neeku tang'asa tipika isirkon, pee intoki aimie inkishu
nintoki sii ninye keon"



Neng'as aimunyie isirkon nerem embae Osikiria. Neitoki
aimunyie nkishu okeon enye.

Ore taisere, nejo irmurran maetu nikilikwani entito:
"ketwa?" Nejoki: "Eitu" Nejo irmurran: "Keeta pae oshi
entoki naliki! Paa kaji kingo?"



Nejoki entito: "Enchom eng'ara elde shani, amu ore ake pee epuonu nkishu naa keru oshi enkiteng, negil Oleshani engoriong".



Naajoki: "Eyau enkeene", nikwatutu amu mekure eidim ataara ntae"

Nening enkashe pookitoki, newosh olale nekwet anang'are ng'otonye.



Nejoki enkashe: "Oleshani lai, Kang'as ang'obu ena kaaliki ena?" Nejoki: "Tang'asa tong'obu". Neidip.

Nejoki: "Ore taa eninko mikilep ake, amu etiaka duo entito irmurran ore ake pee eru enkiteng, naajoki "Iyau enkeene" nikwetutu. Neeku mikilep, pee eyar lelomurran otii abori olchani."




Neitaakuno enaa ketorwa enkiteng nejoki entito: "Iyau enkeene"



Nejo maetu irmurran. Nedumu Oleshani inareta neer pookin.

Ore peyie eidip Oleshani ataparipara ilmang'ati neidur tolakira arrinyo enkop enye.



Ore ake peyie ebaya Oleshani ang', neipot olkiu.
Neinosaki iltung'ana pooki inaitaasa entito.



Nejoki: "Ore entito
nemintayayuke olalashe
olang'ata. Neeku enchoi
amu irmang'ati."

Neeku ina oshi pee etaa
keyami ntoyie.





Nanetya Foundation (NaNefo)

Stories in Mother tongue

The foundation aim is to enable children from different Ethnic groups around the world to read stories in their mother tongue.

Stories, Legends and Myths are collected from Elders to the benefit of the young generations.

Founded by: Eti Dayan, 2011